



茅山志詰副墨第一篇下卷之第二

上清嗣宗師劉大彬

造

宋詔詰

大中祥符勅禁山

訪聞茅山界內祠宇宮觀之側對木多有諸色不顧脩法擅
行樵採及放野火焚燒山林須議專行指揮國家方延景
以祐蒸民眷彼名山存於方志或仁慈所治或真侶攸依是
為降福之場允謂栖神之所故宜加禮敬吞儲休豈可斤斧
斲臻樵蘇无節致嘉生之罔植使靈蹟以何觀爰伸禁心之
文用表肅恭之意今下潤州昇州候宣命到於茅山四面立定界
止嚴行指揮斷絕諸色人并本山宮觀祠宇主首以下自今
後不得輒有樵採斫伐及放野火焚燒常令地分巡檢官吏
者老壯丁覺察檢校如有違犯即便收捕押送所屬州縣勘



斷訖令衆半月滿日踈放如斫伐數多情理難恕即仰收禁
奏候指揮當行決配如是逐處宮觀祠宇之外无有供燒柴
薪不係古蹟之內又未存留封木即仰本縣官吏與宮觀等
主首同共指定界心緊立標記方得採取若是已有斫伐延
燒到對行掃踈處亦仰隨處州縣勒定數目去處常依時栽
種補填務要別无空闕即不得輒便搔擾仍將此
宣命指揮於宮觀門首及往來要路鑿石曉示知委

大中祥符二年奉 勅如右

明肅劉太后賜朱宗師御札

金注子底水一副共重三十兩是 皇帝小時使底與道者
充買田土供贍道衆齋糧兼逐日持課祝延 皇帝聖壽長
命安樂永離灾輶与彼處知州同共商量買田土好莊子令
任文慶与知州同共收買回日畫取圖子來

崇寧加封三茅君誥

詔勅門下句曲洞天有真人馬夔化无方靈妙不測秦漢而
降應千餘年隲祉發祥澤于生民而降名徽稱猶或未備非
所以極崇奉之誠也茅山大茅君今号太元真人東岳上卿
司命神君可進号太元妙道真人東岳上卿司命神君中茅
君今号定錄右禁真人可進号定錄右禁冲静真人小茅君
今号三官保命真人可進号三官保命冲惠真人庶幾道和
氣獲嘉應以助我國家太平无疆之福故兹詔示想宜知悉
崇寧元年四月二十七日

徽宗賜劉宗師勅書并詩

崇寧元年十一月
大觀元三十一通

勅劉混康自別以來必守安静尔冲和養氣得其妙道學術
精深博通奥自救危難以積善觀德業以養高小大之事常
所訪問盡規極慮頗勤忠恪濟人利物功莫大焉近覽所奏

並皆惟允已差郝隨專董其事餘地土等亦一一應副更有所
需依前奏來 崇寧元年七月六日降到

勅劉混康脩真務本高道有常之士學業為心去執忘貪之
德特守去病之術普設濟人之方尔自離闕下將周歲紀近
覽來奏喜聞安靜所乞立木事已降指揮脩建本觀所要疾
速選定日期興工如逐旋有關一奏來春氣漸和自如調
適謹奉天時以滋妙道 崇寧二年正月九日

勅劉混康尔自別京師倏改歲華完脩祠殿備悉勤勞近覽
奏章具知安裕所去殿名以天寧萬福可也其清静經並依
所奏尔肅恭祀事達于上境所見灾祥何不具奏此者牟麥
發生之際惟籍膏澤之力迺自春首以來頗愆時雨未濟四
郊之農甚慘千箱之望朕心憂懼夙夜匪遑尔當悉心體予
至懷用斯懇切之誠精加祈禱之意以名非高道豈達清都

餘宜將受愈深妙理山林幽靜更保真常

崇寧二年三月廿一日

勅劉混康尔自別京師屢經歲時撫宣之意惟常累遣運于
仲夏畏日永長想尔山居清涼高爽道妙之餘動止臻常否
循嚴秘宇梅葺必已成就崇奉至真付委加于有德事更有
闕典可縷敷陳如所見交祥頌一具奏時正暑炎宜自保練
餘勤道業體予至懷 崇寧二年五月十三日

勅劉混康卿昔寓處都闕迺對禁廷每陳忠道之誠開益朕
躬之志虛心采納豈泯嘉言賜号越常用昭褒顯所有誥一
軸今遣付卿至可領也秋氣爽肅燕居練養之餘宜加保護
特賜葆真觀妙先生誥

勅江寧府句容縣茅山道士洞元通妙大師劉混康朕執
之道以御今之有嘉与希夷守一之士以正澆漓之習惟尔
專氣致一敦其若朴雖道尊德貴莫之能爵而名實稱謂其

可已乎宜申錫於命書庶激揚於後學尚推尔素以輔善民
可特賜号葆真觀妙先生 崇寧二年七月二十五日

中書舍人白時中行

朕以卿道備德隆陳誠助國特頒異号故顯高仁若以極物
濟功未殫嘉稱誥命宜當祗受勿復固辭想宜知悉

勅劉混康自達京國屢改歲 所息一德之可嘉在我三秋
而不忘近收表奏喜知寧謚幸繼先猷緝熙秘宇殿成寶籙
彥 以臻嚴閣儻崇寧仰止真之來格卿素守虛无超然
高而齋持秘宇能順育於炎涼靜樂茅峯自安怡於泉石來
奏貝恙已降指揮差御藥蘇珪提舉管勾應合湏索一 申
稟自可奏裁應副不致有關也霜秋屆候氣律初寒更臻道
妙言不多及如見有何災異一 奏來前者祈求事至今未
得感應今次如何也 崇寧三年九月十五日

勅劉混康自別京畿屢更歲篤如三茅而浩志潔一己以全
真寓迹山居潛心物外緬想道妙泮靜植性清夷順亨壤以
養高脫塵寰而悟理茲覽來奏良 悲所懷涉冬而來動心安
否知中春詣闕已差使臣張翎津置其行備安官司一切應
副或尚有闕詳具奏來可期觀尔項續欣矜方屆隆冬將迎
朔易更在博施真教協濟羣生能加保練之切用體眷勤之
意姑此書諭指不多及 崇寧三年十一月二十三日

勅劉混康省覽來奏備悉懃誠隆美歲暮喜獲安常葺棟燎
真尚闕緝用已降指揮應下官吏責以近限併力執功上梁
等事各有司存何必告成乃離洲室及漕運經畫一 去訖
首著氣 當先詣闕勿為稍稽以多高憲於德舟楫來赴閩
關已差諸司官公給管勾在理當然難為覆覆體予春待宜
悉至懷 崇寧四年正月十二日

勅劉混康存覽來奏備志懷情事首情寒暑和寧謐尔心
志通博絕塵慮以保真常誠達精微養靈臺而臻妙道自建
三茅紫尔一心茲者脩完之役已至丹雘之工委付有司必
早周備冲靜是守毋勞神用乃眷尔益欲宣趨對之懷取意
惟堅官遂吉成之請可依所奏候工畢日速赴闕下其張
翊已降指揮專一催督應辦去訖并本命神像遷入法堂權
行奉安如更有關一、奏來春寒屆候宜加保毓用昭優渥
禮于至懷 崇寧四年正月二十四日

勅劉混康覽卿來奏備志懷情事首情寒暑和寧謐尔心
志通博絕塵慮以保真常誠達精微養靈臺而臻妙道自建
三茅紫尔一心茲者脩完之役已至丹雘之工委付有司必
早周備冲靜是守毋勞神用乃眷尔益欲宣趨對之懷取意
惟堅官遂吉成之請可依所奏候工畢日速赴闕下其張
翊已降指揮專一催督應辦去訖并本命神像遷入法堂權
行奉安如更有關一、奏來春寒屆候宜加保毓用昭優渥
禮于至懷 崇寧四年正月二十四日

无窮贊陰陽之化育清高可尚塵俗難羈浩然守志於林泉
潔素以安於壽考宮宇脩完應辦可集已令促役必无緩時
才有畢工之奏速期赴闕之行未即對問更希加愛故茲詔
示想宜知悉 崇寧四年閏二月三日

勅劉混康卿宅心道妙顯迹神功順四序以凝和寓一身而
永福靈符法水久推濟物之仁保氣存神自得養生之主涉
此畏景想集殊禧比詢入覲之期力有告成之請畢工在迹
重諾難渝宜促行裝正風帆可乘之便早登畫鷁當江水善
利之時暑炎在候更切保頤故茲書示言不多及 崇寧四年五月
二十九日

勅劉混康省觀來奏備志懷情事首情寒暑和寧謐尔心
志通博絕塵慮以保真常誠達精微養靈臺而臻妙道自建
三茅紫尔一心茲者脩完之役已至丹雘之工委付有司必
早周備冲靜是守毋勞神用乃眷尔益欲宣趨對之懷取意
惟堅官遂吉成之請可依所奏候工畢日速赴闕下其張
翊已降指揮專一催督應辦去訖并本命神像遷入法堂權
行奉安如更有關一、奏來春寒屆候宜加保毓用昭優渥
禮于至懷 崇寧四年正月二十四日

平安好遣書指不多及

崇寧四年六月十七日

勅劉混康卿法大道之自然稽真詮之典則順時樂性心一已之貞心闡教濟人保千齡之上壽睽濶滋久懷想良多累召待來逮今改歲尚有力難之奏猶厯固避之言況予疊命有司當遂責成董集其工但勿貽慮餘者完繕悉付規模漸可慶全夫何多遜宜速登舟之備佇聆飛檐之者仙帆風靜秋水波平乘茲清景勿辭來對荅須詔諭示我眷隆將遂觀言遣書指不多及

崇寧四年七月十八日

勅劉混康自遠皇都屢周星歲居名山而崇秘殿竭丹懇以奉高真闡揚大道之源昭答上靈之貺葺興觀宇廣集休祥壯一代之弘規衍萬年之景祚凡所陳述皆盡公忠願須來對從便船居其如退村已行處分畢役六初慶成就緒當斯秋景促棹安流天高雲靜蘸晴光千里之平波水翠烟溟蕩

素色一帆之輕吹尚測氣力自養清高故此詔示宜悉眷懷

非晚觀言茲惟簡及

崇寧四年八月二十日

勅劉混康省所奏脩造已就緒欲於九月中乘船赴闕朝謝者欣聆畫鷁容与秦淮顛伺仙鳧翱翔魏闕佇聽希夷之妙誨欽敷慈儉之淳風治念烹鮮動趨正道霜秋屆候涉履良勤爰命使華往加撫勞體茲眷異益固冲和宜速進舟慰予致望秋冷卿比平安好遣書指不多及

九月十二日

勅劉混康心存道要夙契真元久處逍遙之場自得冲和之旨昨迂芝蓋來叩楓宸遂款秘奧之名言乞還茅峯之舊隱志堅意切勉從所陳違遠以來倏尔經月每一思念寤寐不忘扁舟高卧諒及淮楚之畿三秀栖真獲出塵寰之表高風遐舉良景慕之時當祥暑卿比平安好遣書指不多及

先生自離關下倏忽閱月想以道妙動止冲和每一南望愈

增憲慕向者所托奏章之事伺有天意可速奏來及求傷風
符子數十道附遞封進時方炎暑清虛自重想已到宮所備
如何潛神菴了与未一一奏來
崇寧五年五月十三日

勅劉混康所奏拜章事具知大至誠必通精脩有感事具存
於典儀昭著於真科卿虔心請禱齋潔馳神默契高真獲
通秘旨非夫公忠之內充何得精誠而上達郵音忽至嘉歎
良深昨懇辭上京丐還舊里三茅隊繫允資高尚之居列聖
所栖克叶潛神之志更宜保練以副虛懷畏暑在序卿比平
安好遣書指不多及
崇寧五年六月二十日

先生離關下來又復累月比日炎暑想以道妙清勝所奏拜
章天意不勝嘉歎自非先生高道洞達何以臻此如更有所
見附黃希叟來奏得无隱幸也本宮所關亦可一一縷細關陳
潛神之後未見告切不知所脩可意否
同前

勅劉混康徒弟傅希列賫到表章具知刻意盡无宅心清靜
得无為之妙理通大道之淵源自抵萬寧邇多餘裕三茅紫
府列聖福庭真仙所栖靈谷如響御寶金籙而練氣秘玉簡
以清脩想得優游必資香火上新宗社之謚寧下濟黎元於
仁壽所馳至意宜真卷之徒衆忽臨封章來上深嘉遠願益
表勤誠驟尔睽違但渴名理溽暑尚熾善衛是宜卿比平安
好遣書指不多及

傅希列等賫到表章知卿已至元符萬寧宮及知拜章事蒙
上天慈恤敷錫嘉祥卿道慕三茅行遵二許輒來魏關還駐
故山鶴馭難留每深引嚮近煩慈念通拜寶章祗荷蒼旻俯
垂滴鑒不寧天訓警悟不忘夙夜欽崇以酬昭貺炎暑方隆
保愛是宜餘具詔意

所奏事逐一降指揮訖如更有所關但一一見示提舉官已差

楊戩顯頌已書知之蔡卞亦已撰文先生自來贛直有所聞
見灾福但詳細密奏花木已收瑞香尤佳傅希列回付詔書
等及賜祠部餘各賜紫衣師号親書畫扇暑執可以台風鎮
心符子告求數貼

傅希列等回附物下頌

沈檀箋香各二十斤

生熟龍腦五斤

降真香十斤

御書畫扇頭十箇

四味菓子廿卷

香藥二分

崇寧五年七月初四日

勅劉混康卿夙臻要妙志尚清虛朕遐想高風无忘朝夕載
修貢績之勤心益表公忠於王室言念及斯良深嘉歎所陳
情悃並即施行永勝先塋許焚脩之後衆潛神宮屬第推賞
於階資成命已頒可悉亮也朕欽崇大道景仰靈蹤是述志
以昭切故開山而建宇畢工未上收懌交懷所期大闡真風

錫蕃禧於黎庶精治法錄永協贊於丕基諄誨高選冲襟善
護秋涼卿比平安好遣書指不多及 七月二十日

勅劉混康省所上表乞差官撰述宮記事具悉茅嶺幽栖積
金籀地眷念靈迹旁連洞宮啟瑤臺之新府大啟煥於真風
寰宇落成豐碑可俟命碩儒以製文及親題於碑頌非特為
一時之盛事抑以彰前人之休聲卿當慎捧高流同勤至道
精脩不懈乃情所瞻每思心要常憶儀刑願以塗之脩阻想
會晤之尤賒其親書碑頌及蔡卞所撰書記今差使臣管押
前去至可領也秋涼卿比平安好遣書指不多及

先生養素金壇策名紫府昨自仙舟東下日深懷想迩來秋
氣頓清緬惟道體和裕未涯訪道惟切傾思保練潛神副予
睽矚其碑頌等今已書畢遣人降賜餘有所陳俱具奏章

崇寧五年八月二十日

勅劉混康祗真素守道无渝功行益隆聲華夙著即方寧
之燕處奉大籙以精勤博濟羣生咸趨善化擴尔无為之妙
相予可致之祥盖名以實彰禮緣德稱宜錫褒嘉之寵用
如遠之休法号增崇僉言惟允往即欽承毋或遜避所有
命今附遞賜至可領也時當素秋卿比平安好遣書指不
及朕以先生棲真句曲養素潜神符水施功慈濟遠迹嘗
拾鶴馭論道宣和感迪无為輔成靜治欽承微妙寤寐不
忘近以官字告成特加先生冲和二字其告已入通附賜
當體眷遇時真至言造關未涯尤希保膏

箕師所奏宮門墻宇等事乞情治已令有司火急應副物料
材木等責立近限速令畢集无致逗遛稽緩去訖如先生更
有所闕但具奏无隱也傷風持鎮心壓驚佩帶符子各求數
十道幸甚

加冲和先生誥

勅江寧府茅山元符萬寧宮葆真觀妙先生劉混康三茅靈
境仙聖所棲比建新宮用伸崇奉以尔心游澹漠道合元微
俾宅其間闡揚至化宜加美号以示眷懷可特授葆真觀妙

冲和先生 中書舍人李圖南行 崇寧五年八月二十三日

勅劉混康奉教玄元宅心清静造洞真之奧隱茅峯之顛乃
勝舊居緬然靈異禱崇新宇大壯宗風丹臺鮮麗演崆峒之
道樞紫府鼎新追汗漫之高躅按圖顯敞寔稱真游盖軼崇
奉之勤用慶落成之美益增欣沃當形詠歌御製慶成頌一
軸今入遞賜至可領也高秋氣肅比平安好遣書指不多及
御製元符萬寧宮慶成頌

茅山之麓元符中即隱者劉混康所廬建觀号元符觀經始
於元年初至崇寧五年秋宮成大書其榜更号元符萬寧宮

蓋以協成 哲宗之志以安妥明靈欽崇妙道昭示後世乃
為之頌曰

向曲之山有居其顛誰氏之子象帝之先成迪後人淋備其
身守靜而篤是為葆真在昔元符作室其下經始勿亟以遺
來者我應受之嗣紹厥緒我儀圖之繕此棟宇考攸宮宇因
心而友不日成之克相其後乃益其名曰維萬寧書以揭之
用安明靈道大无方體用有常以德則帝以業而王坐進此
道與道无極神之聽之洽此萬國 崇寧丙戌歲宣和殿書
初夏之別筵年載矣坐阻頽角乃悄悄想每引領之動思阻
脩途而興歎還山以來景仰何啻有詩寫懷今同附遞到並
檢領極思晤語邀未有期金風向勁天和善保持子已收更
求佩帶符數道推恩事已施行希知之
葆真觀妙冲和先生歸山以詩送之

當年問道屬高人曾攬霞衣到紫宸身是三山雲外侶心無
一點世間塵徂鴻望極幽栖遠賀燕歸飛洞府新多謝為傳
心法妙此真真外更无真 御製并書 崇寧五年九月一日

勅劉混康省累上表具之卿道高二許德貫三茅為教法之
宗師擴真風而濟物懷辭輦轂裕慶名山濶清標之晤會思
綺儻之奧言每覲真章良嘉勤意所陳乞事皆已施行徒弟
師名錫凝和之美号豐碑刊勅許漕幕之提提今者方外又
寧雨暘時若荷上帝之降康亦焚脩之有助霜秋屆候良晤
未期勉加保頤用慰傾想管淨之勅今同遞附至可領也卿
比平安好遣書指不多及 崇寧五年十月十二日

睽阻以來復見窮秋引領南顧徒切坐馳每得郵音大慰領
渴山林虛靜想神游冲漠以適安耳所賜還山詩慶成頌並
許刊模自餘手詔等不可上石乍冷保持法錄外倍万珍嗇

勅劉混康所進天寧節功德疏具悉卿養浩山樊棲真方外
忠惟體國志在愛君屬厥月之誕彌被清塲而薦祉疏言來
上嘉歎良深故茲詔示想宜知悉冬寒卿比平安好遣書指
不多及 崇寧五年十月二十四日

勅劉混康省所上表陳乞事具悉卿潛心淵靜造道粹全涉
茲冬律克保天倪存覽貢囊備悉來懷蓋事功之就緒寔
推賞之未周敷陳是宜銓次匪濫並可其奏已即施行宣義
營田特從本宮之所請丹陽塘灞不許他司之占留事悉緣
公物无私已載披勤至用歎忠嘉宜樂真常之餘擴推上清
之法相予福祉永茂寰區更在精衷明躰朕意初寒卿比平
安好遣書指不多及

際異以來日月如馳景仰何及偃蹇白雲想多佳致近陳乞
所賜詩頌上石並自刊模頒降次真本一一自收別有陳乞
附遞奏來胥會未期引向弥深冬序漸寒為道保育

勅劉混康省所上表本宮開建慶成道塲有仙燈現事具悉
卿心游蓬島坐揖崑崙守脩真抱一之奧洞歸根復命之源
是以慶成寶齋仙燈示瑞蓋精衷之上達由至誠之尚充嘉
祥荐臻靈貺昭答舍生均被美利難云省覽以還良深歎獎
兼聞仲冬擇日親詣永勝焚黃時當沍寒不无勞勩計想鶴
馭今已還山俯迓迎養生經善衛 崇寧五年十二月十八日

睽異以來俄經冬序每思清誼時維引領知道塲有聖燈現
於磁輪峯誠為奇異自非先生精誠昭格孰能臻此伏紙增
歎未期胥見尤積愔愔唯加自頤良副所望也聞先生往常
焚黃時當凝凜道途保愛歸菴日符子更求數十道 同前
勅劉混康克持真教慎無天倪棲岩必以逍遙奉法錄而寧
燕顧其淵懿宜有褒崇既頌諭於詩篇復形容於善頌抗章

來上刊石是期嘉尔丹誠勤于翠琰已令舟御實彼宮垣傳
弟子而軼不泯昭眷禮而示无窮當體朕心益崇法訓臈殘
春及氣易序遷更勤保練之功頻示冲虛之訣已差使臣專
一管押刻石前去至可領也凝寒卿比平安好遣書指不多
及
大觀元年正月二十七日

勅劉混康卿秉心无妄執道不回恭持法源羣生所賴功庸
昭著揭如日星使上清之教益隆而弗替者寔有力焉比以
道釋混淆理宜區別朕心重訂謁謀至如三清混居於
水陸元命反祠于梵宮繪塑无倫不可縻舉朕方圖叙藝倫
講明教法稽考後先之理推原積習之端申飭有司分別崇
奉庶蒙休祉溥祐舍生諒在淵冲必惟允議更新歲律尚冀
保綏故茲示諭想宜知悉寒沍卿比平安好遣書指不多及

大觀元年二月九日

勅劉混康挺身冲粹育道淵深兼志不回推心篤善省觀奏
讀備悉至懷仍聞新歲以來法履泰定所進术煎靈方夙授
仙餌今存雖神鼎金丹之妙无以加諸長生之理茲其大致
乎披繹勤志忻懌于中妙術恭持必无畔戾時傳郵命副以
好音春序云初天和善護

際異晤言俄經新律渴想儀刑朝夕弗替近降勅書所諭道
釋混淆已付外施行事恐未詳盡今錄元降全文付卿一看
卿教門綱領人所視仰其諸傳授保執持之无吝恣也所脩
石橋道路事已委叅軍使曾孝蘊專一應副施行益遠會見
千萬加慎鎮心神符了告求數十道恐有所見灾福告先生
示及筮師初春可令至昨降物往彼道場已到否

有天下者尊事上帝勅命惟幾敢有弗虔而釋氏之徒備營
備事妄以天帝次於鬼神之列瀆神踰分莫此之甚其能克

享上帝之心乎可令有司檢會削除以稱朕嚴恭寅畏之意

大觀元年二月十五日

勅劉混康朕祇奉三元欽崇至道每念靈承之重庶臻可致之祥凡在幅員率興觀宇瞻三茅之名封集殊方之勝槩倚毗師法以名蕃釐卿夙資潤妙之功屢獲嘉休之應累迂鶴馭來叩楓宸款名理之至言詢心法之要妙保神清靜闡闡宸聞旅寓儲祥殆非宜稱已令董治

鳩工構宇即上清

之東隅運萬寧之別觀庶享靜館延慶雲軒可預擇徒弟來

此任持故茲示諭想宜知悉

領所奏道教未便洎陳乞事卿道明宗師教法綱領凡所陳請皆合朕志際違高論日馳南顧遐想香火之餘高棲雲表保神練氣所得多矣宣師淨之俟黃冕到山可同赴關春序將暄為道加慎

大觀元年三月十九日

勅劉混康省所奏辭免赴關事具悉朕欽奉真元夙崇高道眷彼棲真之侶常形夢寐之思佇瞻每渴於儀刑睽濶候更於歲箭再款話言庶資妙理是用載馳使傳敦趣造朝忽露封章引疾懇避夫豈不懷義非可強當心召命更伺歲年尚慎寢瘳以副眷渥春和卿比平安好遣書指不多及

相別周歲引領尤勤兩披奏牘以疾力辭赴關已具別勅可其所請宜亮悉之安處潛神以保壽康想綽有餘裕也道場事前已報知宣師陳請皆契勘施行候指揮到止可令宣師赴關會晤尚賒對時自衛治百病傷風符子告求數十道夜分燈下發慮先生意不安故也

大觀元年四月七日

勅劉混康省覽累奏具悉卿擯棄人事遠去塵寰既殫懇迫之誠勉徇便安之請遐想迺來怡神昭曠持法崇高處寂以絕營葆光而不曜臨風東望一及緒益不无傾渴之勤也宣

淨之便可發來赴闕或有奏陳詳具无隱初夏漸熱卿比平安好遣書指不多及

大觀元年五月廿七日

別來一周呈律傾渴話言未嘗替也志趣高尚厭絕躑躅得
以澄神靜慮為冲漠之游良多慰浣愈遠高論徒深引向首
夏清和為道保育月未忽目皆連發踈以書問笈師可令速
至有經數卷伺笈師到令附去皆親書

勅劉混康睽異又見畏景殊積詠思想惟偃蹇雲山養高物
外從容於自得之場健羨无窮有所諭言詎可謦口當伺颺
馭西來面悉至意彼中有目擊事毋憚煩碎並附郵傳以聞
使一方民瘼不壅於上聞茲所望也炎歊隆熾善衛冲和

笈師至所奏事一一備曉謹齋沐寫成密詞一通托先生拜
章奏達即幸也伺得天語速具奏來餘面譽笈師令於先生
處開陳貴妃表一通亦附於笈師回山御筆畫 元始天尊

太上道君各一本可與去歲所畫 太上老君共三清潛神

供養北斗等經五冊扇頭二十箇果實一十件香花龍腦茶
燭等各以數交割付笈師空各祠部五十道紫衣三十道恐
要度徒弟笈師之下應徒弟賜以紫衣師号隨行侍者十五
人皆賜披度及賜束帛有差 大觀元年七月廿九日

累承所惠符子不敢自享人若有疾必与服之庶滋先生治
病救人之意諸符子告求數十道附遞進納

勅蜀混康省所上表并錄奏具悉仍知所拜章詞消辰已達
得聞筌秘嘉歎良深倘非卿迪中觀妙契道育真志念蒼黔
誠通惻默者孰能臻此欣沃可知涉此夏秋益崇慶善朕万
機之暇每覽道樞傾想話言何啻飢渴發春匪邈期必西來
當體至懷毋執謙避秋高氣肅卿比平安好遣書指不多及
久阻德標唯勤引嚮累收郵中之奏聞安處潛神綽有餘裕

淨之所奏各契勘施行來春赴關別勅已諭此不多述當乘
春水扁舟西上毋固柳朕意也秋秒霜清保籙持教外善衛
為最 大觀元年九月五日

勅劉混康省所上表進奉天寧節功德疏具悉孟冬正候誕
節屆期嚴道範於瑤壇祝後天之景福願惟方外之侶不忘
事上之誠乃睽忠勤益用歎悞故茲示諭想宜知悉初冬卿
此平安好遣書指不多及 大觀元年十月十四日

睽遠之次傾想惟勤喜知道履冲粹所奏辭免春首赴關事
朕未諭也誠欲再見儀刑款導積潤而遜避再三詞情迫切
遽見絕之若是况仙鷁安流何勞之有歲元後別降詔旨預
此及之未間保練天和為祝來春逾人宣召毋得推辭阻命
勅劉混康累上表事具悉卿養浩山樊栖真物外優游自得
起處甚休存覽貢章深嘉勤至惟妙談之杳隔第馳情以瞻

思累頒詔書來春赴關尚遲他托苦厭塵誼當抑志而整枉
飛鳧毋養高以固違朕志尚體眷遇无忽予言冬序去初冲
襟善保乍寒卿比平安好遣書指不多及 十月十九日

所奏增崇三茅徽号已契勘典禮施行至宜悉之春首會面
不可拒命所期者款密高妙而已冬候向嚴倍萬冲攝符子
更求數十貼即感也宮門事常在念豈不懷耳

勅劉混康穎悟真機昭融至道每覽奏牘寔契朕心欽乃三
茅懇求封冊緬懷道蔭宜示褒隆即付收司俾加顯命今令
頒錫至可領也冬閏紀良保頤何若阜流脩阻系想徒勤俯
迹春和切期拊心安然舟御勿憚一來密屆迎長精加澄練
冬寒卿比平安好遣書指不多及

自別仙風起處佳否蓋東下每一念之未嘗不慨然耳雲
水生涯逍遙自得真有出世无窮之樂極思講妙決在來春

未間保錄持教外善嗇是禱

大觀元年閏十月廿一日

勅劉混康累收來奏備悉勤恪不啻與罄效接也順履時序
食息何若來春飛船西上妙論可期貴妃所需符子當為應
副未間善為輔養

三茅君聖像畫畢心伺先生到關專得面付治病佩帶符子
告求數十貼 大觀元年十一月六日

勅劉混康省所上表來春赴關事具悉卿累造宸廷遽乞還
山兩厯歲華每勤馳嚮且聞春初西上深契予懷極思談微
講妙預當滌慮齋心以伺耳伸遣使人計治舟御許從便道
飛船安濟宜速辦裝慰此翹渴會晤伊迺尚宜善衛已差入
內西京左藏庫使殿中省尚輦局典御勾當龍圖天章寶文
顯模閣黃希叟降勅台卿赴關春寒卿比平安好遣書指不
多及

獻歲發春順履時序起處安如陳乞事並依所欲逐一施行
若自京口而來極便思一見之形于寤寐伺黃希叟到毋少
稽留可乘春水無无阻滯有所需關一一奏來區區已具勅
書茲不多述黃希叟到便可促行 大觀二年正月五日

勅劉混康卿近嬰微恙已遂痊平計惟保練有方无勞藥餌
近覽來奏力疾造朝足伺勤確不替忠嘉披閱以還良深歎
候希叟到日便可飛舫乘此春波安濟西上經過郡邑无為
滯留鈞伺鶴軒以款清論喧妍在序善輔是宜中春卿比平
安好遣書指不多及 大觀二年二月十五日

春色晴融仙舟偃息不妨高養浩然之氣良自得也或有所
需可計會希叟行當會見預已忻快未間尚宜保練為策
勅劉混康卿持心淵靜毓德沖和每造楓宸居多啓沃不聞
名理忽復累歲鄙吝之心生焉申遣使人往趣臆駭宜輟白

雲之游來赴紫宸之會其諸旨意已具前詔當體眷想毋復稽留今差入內文思使殿中省尚輦局典御勾當龍圖天章寶文顯模閣黃希叟管押舟船就茅山宣名卿赴關故茲示諭想宜知悉春暄卿比平安好遣書指不多及思渴晤言何劇如之以日計程四月上旬必達關下春水安流想无阻節途中宜心絕人事日惟東顧以伺將欲入汴宜速奏來未會間尚須善護

贈太中大夫誥

朕惟至德之卅元為而萬物化淵靜而百姓定爰率是道納民泰和誠意感通異人皆至眷遇之禮曲盡始終葆真觀妙冲和先生劉混康虛一守真純白自得前知休畝能警羣迷或托呪符克愈衆疾雖身栖林谷而名振京師朕用嘉歎台對間宴屢聞至論深契于心比復造廷燕居琳館了然委化

不約而同靜思所存宜加憫飾太中之秩視諫大夫茲為異恩尚期歆享特贈太中大夫

謚靜一誥

勅朕惟曲水之元北距岱宗南接羅浮證法冊於河圖得嘉名於地肺抱道秘境惟昔高人真風未忘前轍具在贈太中大夫劉混康出塵累之表以虛靜為宗觀妙幻金之壇葆光埋壁之地慕真風於南岳窺奧義於西城衆方有求忽若委蛇其須美謚式昭正一之功庶幾異時益振冲虛之教可特賜謚靜一

勅賜元符萬寧宮

尚書省牒江寧府茅山元符萬寧宮 茅山元符觀

牒奉 勅宜改賜元符萬寧宮為額牒至準 勅故牒

崇寧五年正月 日牒

中大夫守右丞鄧 太中大夫守左丞何 司空右僕射

達元符萬寧宮提舉等官推恩勅命

勅相觀福地肇建祠宮為彼肇黎道迎景既龍圖閣直學士左朝議大夫胡師文等克共迺事遠茲落成嘉汝之勤叙進官品若時休命亦究乃心可特授左中散大夫依前職差遣宣義郎江東運判喬 可特授宣德郎差遣如故承事郎知句容縣事鮑慎辭特授宣義郎差遣如故右侍禁監江寧府排岸高士遷特授左侍禁西頭供奉官高公鼎特授東頭供奉官借職張和特授奉職差使葉承特授借職三班差使孟忠特授三班借職知縣事鮑慎辭免三年磨勘又別勅

江寧府茅山元符萬寧宮脩蓋潛神菴宇等安排御書牒了畢事體非輕下項管勾催促部役官等可特依此推恩發運副使劉何興轉一官江寧府通判范希逸與減三年磨勘候今任滿日特令再任其部役巡檢內殿崇班孫明翼轉一官勅賜藏真觀

尚書省牒江寧府藏真觀 故劉混康墓所見脩道院

牒奉 勅宜特賜藏真觀為額牒至準 勅故牒

大觀二年十一月 日牒

中大夫守左丞余 太師左僕射

宣和封陸簡寂真人誥

朕惟前古高蹈之士名迹不泯而稱号未稱者所以追顯之簡寂先生陸脩靜真精內得遺經垂範而脫然超世廬阜故隱有祠至今考實定名禮以真人之号非特用褒往躅亦俾後之聞風者知道之所在而勉焉可特封丹元真人宣和封楊郭許陶五真人誥

勅朕存嬰霄府貯景龍臺瞻三秀之神鄉企九華之妙誨
欽厥列仙之躅昭茲闡化之功東華上佐司命揚真人積學
洞微研心合漠得中黃之隱訣受南真之秘傳董司吳越之
疆關搃神靈之要方翺揚於至道宜褒極於隆名庶期沖鑒
之臨永侈蕃祺之錫可特封洞靈顯化真人

勅三炁隱靈固匪名言之測萬神凝化莫容議擬之求凡褒
叙於上真實恢張於至道玉臺侍郎郭真人功參十極位列
九宮含景玉璫已飛行於太極扶華晨蓋爰搃侍於虛皇
方丕闡於元綱宜致隆於顯号尚期沖格永祐昌圖可特封
太微葆光真人

勅朕降搃真之玉境陟耀景之龍臺爰校曆於元局以濟生
于下土凡著功於道品咸進位於仙宗上清真人許長史清
素外融神明內得靈音斐暢密參羣聖之游歛駕超遙高
佐上清之理方流羅于大梵宜崇配於德名庶昭丕佑之臨
益廣无為之化可特封太元廣德真人

勅紫極涵无雖瀕濛於一炁丹臺列籍實搃括於万真凡褒
位於仙宗蓋恢功於道甫東華侍帝晨上清仙公許真人研
三神以觀妙疑九緯以挺生北洞告終自適幽人之介東華搆
景獨超上相之游雖高謝於廿名其敢忘於仁蔭尚期沖祐
益闡元綱可特封混化元一真人

勅朕膺琅霄之景命握龍漢之寶符蓋將敷暢靈音恢隆
道化闡微言於至教薦休命于列真蓬萊都水監陶隱居振
迹榮羅濯精華闢神交无累迹雖相於山中誠感夙通賦已
仙於海上頌德名之莫擬豈妙蔭之敢忘尚都顯号之榮永
介涵生之祀可特封宗元綱教真人

宣和六年八月三日

太傅楚國公臣徽宣

右弼闕

中書侍郎臣張邦昌奉

中書舍人臣張志行

奉勅如右牒到奉行

乞封五真人奏劄

臣輒瀝愚懷仰瀆宸嚴退省賤庸甘伺朝典竊惟自古得道昇真之士先後相承為時宗仰皆以扶世立教為己任自三茅真君飛昇之後繼有揚郭二許眾真並於句曲精脩上道天真降顧親授秘語上清經教漸降人間逮梁宋之際真風泯汨聖道不絕如帶惟陶隱居力扶宗教以微言與旨發明道要為天下後世之幸然而三茅兄弟須蒙明主褒崇冊封聖位其餘眾真未聞有以旌異臣愚心望聖慈特以揚郭許陶眾真並依三茅真君例就今仙職加崇美号除別具諸位仙品奏聞外如蒙

俞允乞降旨下有司施行干冒天威取進止

七月日碧落郎疑神殿校籍同知右街道錄院事管轄江寧府王晨觀臣丁安行劄子

寧宗賜号王景温

王景温履道清尚操行高潔眷寵三朝朕亦禮遇可賜号虛靜真人

寶慶易如剛先生勅牒

尚書省牒 左右街都道錄主管教門公事太一宮都監兼高士易如剛奏么微野人項在茅山於慶元改元蒙恩召充太一宮高士并都監住持專任祈禱每藉君相為國愛民靡不昭格越今三十餘年徧除道階昨於嘉定六年蒙恩特賜通妙先生續於嘉定十四年得旨降香設醮茅山訖事回奏乞老還山恭奉御筆高士易如剛祈禱有功未應告老宜加

顯錫以重眷留特賜通妙葆真先生今繳連寧宗皇帝御書
二軸伏望尚書省特須勅命旌表名山以重祈禱伏候指揮
寶慶元年七月十四日奉 聖旨特令尚書省出給勅牒奉
勅宜賜通妙葆真先生牒至準 勅故牒

寶慶元年七月 日牒

理宗金籙投龍玉簡詞

維嘉熙元年歲次丁酉九月己酉朔二十六日甲戌嗣天子臣
昉為保延國祚恭祈嗣續敬齋香信祇建沖科命道士二
十二員於建康府元符萬寧宮感建靈寶道場一晝二夜
滿散設醮三百六十分位告盟天地誌集嘉祥謹依舊式詣
上清宗壇華陽洞天投送金龍玉簡伏望至聖至真鑒茲丹
悃乞為騰奏上聞九天巨昉伏以元儲虛位未開熊夢之祥
邊關分屯尚調虎符之戍內欲隆於國本外思靖於兵氣仰
惟祖宗積累之難深切朝夕繼承之懼是用肆類上帝徧禱
名山願垂覆燾之仁宏賜扶持之力得男而應震索茂延百
世之期偃武而致太平咄咄四方之治保基圖於鞏固措民
物於救寧祇迓靈休永依大造臣昉无任懔禱之至謹言

淳祐加封廣濟廟龍神誥

勅敷澤廣應侯惟龍負无體而神无方矧茅山至人所居彼
其吐吞夫丹竈之日月猶是依憑而為靈乎有司上功兩暘曰
時其禦苗也實應祭義申衍彥号用侈褒章金陵予陪都
其職而幽以服而侯甸之職可特封敷澤廣應利濟侯奉

勅如右牒到奉行

淳祐四年 月 日

淳祐加封三茅真君誥

勅朕聞真人馭風騎氣神游八極之表而一念在生靈則猶數
數然也太元妙道沖虛真君東岳上卿司命神君成道於茅

山登籍於仙府三君之首者也奇驗見于應代遠近以為司命朕為黎元慕尚不已特命有司亟衍嘉号以彰欽崇可特封太元妙道冲虛聖祐真君東岳上卿司命神君

勅朕聞句曲三峯神君顯甚遂有金壇洞天之名應代所慕尚豈獨於今乎定錄右禁至道冲靜真君脩真得道是謂中茅兩暘應禱遠近德之亟命衍号以答鴻休其體朕意益陰隲于下民可特封定錄右禁至道冲靜德祐真君

勅朕聞漢武祀神君於禁中其祝甚秘蓋以徼福朕不為也三官保命微妙冲惠真君真風道氣号小茅君祈旺敬事祭典褒崇盖非一日矣兹命衍号以昭朕拳拳慕尚之意益閔既施以惠生靈可特封三官保命微妙冲惠仁祐真君

奉 勅如右牒至奉行

淳祐九年三月 日

太傅左丞相魏國公清之

右丞相葵 未上

叅知政事繇

叅知政事方焯

吏部尚書 闕

權兵部尚書清叟

御賜沉香描金如意一事上獻大茅君白玉圭二面上獻中茅君小茅君聖像秉執旌節幡幢威儀等一十二件沉香五十兩腦子五兩銀一百兩綠錦幡二首各長二丈新茶五十片官會十萬緡付茅山崇禧觀

協忠大夫保康軍承宣使入内内侍省都知提點佑聖觀張左街道錄洞微真應先生佑聖觀虛白齋高士主管教門公事司徒師坦上表以臣三年祈禱感應微勞乞回降恩命加封三茅真君奏可

大元詔誥

世祖皇帝召蔣宗師詔

上天眷命

皇帝聖旨諭建康路三茅山三十八代宗師蔣宗瑛聞汝年高德劭法籙精嚴思接道論今遣使馳驛召赴闕廷仍勅有司如法律遣便安執道毋致艱虞故茲詔示想宜知悉

至元十八年二月 日

金籙齋詞

至大三年庚戌歲五月三日

上清大洞經籙无上三洞法師元景真人臣王道益欽奉皇帝聖旨伏以有國有家祗荷財成之造蓋高蓋厚敢忘祈謝之誠緘辭遠叩於名山徽福永延於景運謹遣玄教嗣師提攝江淮荆襄等處道教兩事崇文知道玄德真人吳全節

恭奉香幣詣三茅山元符萬寧宮上清宗壇脩建金錄寶齋
三晝夜滿散祇陳三界衆真清醮三百六十分位伏願覆育
无私鑒觀有赫天長地久

三宮同康壽之祺兩順風調四海樂雍熙之治

延祐元年甲寅歲五月二十六日

法位如前臣王道益欽奉

皇帝聖旨伏以惟

天惟

祖之垂祐有國有家之在躬脩省弥深報祈敢急感冲科於
茅阜集景貺於蘿圖諒有欲以必從信无遠而弗届是以謹
封香幣遣玄教嗣師搃攝江淮荆襄等處道教崇文和道玄
德真人吳全節詣元符萬寧宮上清宗壇命宗師王道益集
法師道士一壇脩建福國裕民金錄寶齋三晝夜滿散祇陳

三界衆真清醮三百六十分位伏願

一人有慶萬福攸同兢業无曠庶官臻既醉鳧鷖之治怡愉
以奉

太后介未央長樂之春風兩順調民物康阜

延祐五年戊午歲正月五日

上清大洞三景經錄弟子四十五代嗣教宗師元景真人臣

劉大彬欽奉

皇帝聖旨伏以輯寧邦家嗣服倏經於八載欽崇

大道封香爰至於三山當陽春發育之初祈大德生成之廣
俯殫素悃仰格鴻禧謹遣元成文正中和真人江淮荆襄等
處道教都提點夏文泳詣三茅山元符萬寧宮上清宗壇命
臣集法師道士一壇脩建福國裕民金錄寶齋三晝夜滿散
祇陳三界衆真清醮三百六十分位伏願

皇天眷命洪範錫疇九族睦而万邦和兵寢刑措六府脩而
二事治地又天長

慈闈永康壽之祺

中間協和平之福慶延

儲位澤被寰區

泰定三年丙寅歲十月十二日

法位同前臣劉大彬欽奉

皇帝聖旨伏以誕膺景命祗紹丕圖保民无疆思永安於宗
社應

天以寶庸昭祀於山川爰致清祠異徽洪貺謹奉香幣遣
持進上卿玄教大宗師崇文和道玄德廣化真人摠攝江淮
荆襄等處道教知集賢院道教事吳全節詣達康路三茅山
元符万寧宮上清宗壇開建金籙寶齋祈天永命福國裕民
伏望璇霄委監寶祚延長邦家開太平之基

三宮同慶海寓樂雍熙之治万國咸寧

天曆三年庚午歲正月九日

太上弟子嗣上清高玄大洞經籙四十五代宗師二天法師上

景真人行九老仙都君印職臣劉大彬欽奉

皇帝聖旨伏以恭承明命克紹丕圖欽若昊天荷皇天之簡
眷敬哉有土翼率土以又寧爰闡冲科用徽洪貺謹奉香幣
遣法師舒致祥詣三茅山元符万寧宮上清宗壇脩建金籙
寶齋三晝夜滿散祗陳三界衆真清醮三百六十分位伏願
乾坤合德日月齊明海晏河清開八荒之壽域時和歲稔得
萬國之懽心

延祐加号三君立觀三峯誥

上天眷命

皇帝聖旨靜慕玄風灼觀往事无為曰道必刻意繕性而始
成脩身乃真非積行累功而莫孰大茅君東岳上卿司命太
元妙道冲虛聖祐真君奇標矯俗精思集虛一德齋心受龜
臺西華之秘旨万靈授職開金陵句曲之宗壇丹光千載以
維新寶氣三峯而弥固發祥肇祀民至于今稱之逢雨寧風
天之所助順也宜惟作聖允合祐神孔蓋翠旌祀莫嚴於司
命瓊文蕊簡禮爰舉於秩宗假茲聰明佐予平治可賜茅山
一峯聖祐觀特加封大茅君東岳上卿太元妙道冲虛聖祐
真應真君主者施行

上天眷命

皇帝聖旨合人心理萬物禮宜順於鬼神建皇極錫庶民徵

有稽於陽而大江以來之地句曲為望之宗土樂昇平歲稱
民足二茅君定錄右禁至道沖靜德祐真君中峯司命西華
或形作牧審煩擾之非脩身得恬澹之要驟鸞道從墳荒
迭奏於雲中化鶴來歸城郭時看於華表朕方推仁以濟衆
所宜妙物以祐民學道受之以神端有宗於李耳望祀不祈
大福誠深慕於漢文嘉與涵生誕敷景命可賜茅山二峯德
祐觀特加封二茅君定錄右禁至道沖靜德祐妙應真君主
者施行

上天眷命

皇帝聖旨氣化為神握陰陽而執要物來能應遇水旱以成
切茲山之靈以氏為号三茅君三官保命微妙沖惠仁祐真
君不導引而壽體純素為真密從蒼龍承左右而无間時
乘白鶴侍伯仲以遠游荷天之休為民請命逍遙容与服光
景以如新周流常羊蒙福祀而无極肆加褒錫丕應隆平壇
鼎高峯爰慕軒轅之有道獻金空谷方薄光武而不為以赫
厥靈同歸于治可賜茅山三峯仁祐觀特加封三茅君三官
保命微妙沖惠仁祐神應真君主者施行

延祐三年七月 日

翰林待制袁桷視草

翰林學士承旨趙孟頫副墨

勅賜崇禧萬壽宮

上天眷命

皇帝聖旨朕流觀山圖夷考仙蹟曠曲林之舊館實和景之
故居原其建立之初以處高第弟子及今千載猶想遺風朕
將益崇神明用著高尚其建康終三茅山崇禧觀可準玄教
嗣師掌教真人吳全節所請賜号曰崇禧萬壽宮主者施行

延祐六年三月 日

